


حقوقی بیلگیلر مجموعه سی

هر آيك اون بشنده نشر اولنور

DOCTRINE

تَلْبَعْلَر



RÉFLEXIONS JURIDIQUES — حقوقی فکریلر

حقوق دوتئوری

مبهرسی: غادر افنور

اعلام سر اجرا قانونی:

بو قانوندن خیلی استفاده ایدہ جکمز محققدر. فی الواقع بورجی ویرہ مہین ویاویرمک ایستہ مہین مدیون اجرادن کلہ جک اخبارنامہ یہ قارشو بر چوق بہانہلر در میانیلہ بورجی رد ایدہ جک ایستہدہ ہر حالہدہ یوزدہ اونہ قدر تضمینانہ محکومیت قورقوسی بلکہ برسبب تضییق اولہ بیلیر. بن، الک زیادہ بورجک بر قسمی قبول ایدن و دیگر قسمی ایچون اعتراضدہ بولنان مدیونلر ایچون بواسولک فضلہ فائدہ لی اولدیغنی دوشونیورم. مثلاً ولی افندی علی افندیدن ایکی بیک لیرا ایستہ یور؛ علی افندی بیک لیراسنی قبول ایلہ بیک لیراسنی ایچون بر چوق اسبابہ کووہنہ رک ویرمکہ مجبور اولمادیغنی ادعا ایدیور. اسکی اصولزدہ بوتون دین ایچون دعوی اقامہ ایتک و صورت عمومیہدہ بوتون مسائل حل ایدلمکہ تحصیل مطلوب ایتک ممکن دکل ایدی. شیمدیکی اصولدہ مدیون بیک لیرا دینی قبول ومتباقیسنی رد ایدہ جکندن اجرا بیک لیرانک ہان تادیہ سنی امر ایدہ بیلہ جکدر. بو قانونک بر فائدہ تأمین ایدہ بیلیمسی ایچون محاکمک، متعرد مدیونی یوزدہ اون

تضمیناته محکوم ایتمه منوط اولوب اکر محاکم بو واسطه تأییدی بی پک طار بر شکله تطبیق ایدر لسه مدیونلر ادای دین ایتمه مکدن هیچ بروخیم نتیجه دوغایمه جغنی کوره رک شارعک بویوک بر همتله تدوین ایتدیکی بوقانوندن بکله نیلن نتیجه اولدورولش اولور . اقتصادی ومالی معاملاتده ، مدیونلره پایله جق الک بویوک همت وخدمت ، اونلری ادای دینه هر صورته مجبور ایتمکدر . دأئئر مطلوبلرینی نه قدر سهولته تحصیل ایدر لسه ، اعتبار اوقدر آرتار ، پاره اوقدر اوجوزلار ونیجه دن الک زیاده استفاده ایده جک اولانلر یته مدیون اولمه مجبور بولونانلر در .

بوسيله ايله ، اعلامسز اجرا قانونی حقسنده محترم آرقاداشمز مدرس رشید بک افندیك مجموعه مرك صوك نسخهنسند انتشار ایدن پک مفید مقاله سنده کوزمه ایلدشن بر نقطه حقسنده نظر دقتی جلب ایتک ایستهرم . رشید بک برادر مز بویور و یورلر که [مقداری مملکت پاره سیله معین اولمایان آلا جق اجرا دائرہ سی واسطه سیله جبراً استحصال ایدیلہ مز] . واسو بچرہ ده بو حکم بویله جہ تطبیق ایدیلہ کلدیکی وحقی (فہدہ رال اجرا قانونسنده هر حالده داینک اسو بچرہ پاره سی ایلہ آلا جفک مقداری نی کوسترمه مجبور اولدیغنی قید ایتدیکنی) علاوه بویور مقدمه در .

بن ، بو مطالعه بی لایقیلہ قاورایه مادم . بزم شو یکی قبول ایتدیکنمز مواد اجرائیده بویله بر نہی بوقدر . اجنبی پاره سنک تحصیلی ده بالفعل ممکندر . فی الواقع رشید بک افندی مطالعه سنہ استادکاه اولق اوزره بورجلر قانوننک ۸۳ نجی ماده سنک [موضوعی پاره اولان بورج مملکت پاره سیله اوده نیر] دیمکده اولان فقره سی در میان ایدیور سده کرک بوفقره کرک سه عینی ماده نک متباقی اقسامی بو نظریه بی ابطال ایده جک ماهیته در . ایکی حال تصور ایده لم : ولی افندی علی افندی به فلان تاریخده یوز انکلیز لیراسی ادا ایده جکنی تعهد ایتدیکی حالده ویرمه یور ؛ دأئن اجرایه مراجعتله اعلامسز اجرایی نه دن طلب ایتمه سین . فی الواقع مدیون بخبردر ، ایسترسه یوز انکلیزی ایسترسه وعده سی تاریخده کی بورسه جہ مقید فیثات اوزرندن تورک پاره سی ویرر . (بورج اجنبی پاره سی اوزرینه در دأئن اعلامسز اجرا اصوله مراجعت ایده مز) ده یه رک طلی رد ایده مز . اکر « عیناً » اجنبی پاره سی ویریلہ جکی تصریح ایدلش ایسه بیله اجرا ؛ طلبی اسعاف ایده بیلیر . زیرا مدیون عیناً انکلیز پاره سی اولہ رق بورسہ دن یوز انکلیز بولوب اجرایه کتیره بیلیر . و بویله جہ تعهدک حکمی اجرا ایدیلہ بیلیر . معاملات اقتصادی نک فوق العاده بین الملیت اکتساب

ایندیکی بر صروده اسو بچره اجرا قانونك ۶۷ نجی ماده سنی اقتباسه محل یوقدر .
 بوسط لرلی یازدقدن صو کرا رفیق بك افندیك بك مفید و بك قیمتی باشلانغیج
 ایله ایتدار ایدن « اعلام سز اجرا » اثرینی تدقیق ایتدم . مومی الیهك ده عرض ایتدیكم
 مطالعه بولوندیغنی نمونیتله قید ایدیورم . محترم رشید بك آرقاداشمرك تنویرانه منتظرز .

قانونلر مارك تالیفی — جمعیت تشکیلی مقی :

قانون مدنی، یالکزامتدن برملك قانونی اولدیغندن دكل، یالکزامت بشرك متكامل
 احتیاجلرینی الك كوزل تطمین ایتدیگندن دكل ، خلقجی برملته یاقیشان الك مناسب
 بر قانون اولدیغندركه نظر مزده قیمتی فضلدر . قانون مدنی، خلق حقوقی هر سورتله
 تأمین ایدن اساسلی تشکیلات قانونمز الك چوق یاراشان قانوندر . بر طرفدن اساسلی
 تشکیلات قانونی توركك حقلرینی صایوب هر تعرضدن مصون طوتمقده ایکن قانون مدنی
 او حقلردن نه صورتله استفاده ایدیله یله جگنی کوسترمکده در .

توركك، اساسلی تشکیلات قانونیه مؤمن حقلردن بری ده جمعیت تشکیلی قانوندر .
 جمعیت تشکیلی مسئله سی ، برملككك خلقجیلکنه معیار اوله جق ماهیتده در؛ خلقجیلک
 دوغرو بوروین ملتر جمعیت تشکیلی هر درلو کلفتدن ومکلفیتدن آزاده قیلمه چالیشملار
 ایکن خلقجیلکدن اوزاقلاشانلر بوسرستی بی کیتدکجه تحدید ایشملار و جمعیت تشکیلی
 مادتا حکومتك آرزوسنه تابع قیلمشلردر . فی الواقع افرادك بوتون حقلری کبی جمعیت
 تشکیلی خصوصنده حقل ، بعض احوال فوق العاده ده ، موقت برمدت ایچون تعطیل
 ایدیله یلمسی ، نفع عام نقطه سندن ، تجویز ایدیله یلیر سه ده طبیعی احوال عودت ایدر ایتمز
 ینه اصل اولان حقل ، بلا حدود ، صلاحیت استعمالدر .

تشکیلات اساسیهك تورككك حقوق میانسه قودینی جمعیت تشکیلی حقنده کی حکمك
 طرز تطبیقی کوسترمك اوزره بزه ایکی قانون وارددر . بری ۳ اغستوس ۳۲۵ تاریخلی
 جمعیتلر قانونی دیگر ده جمعیتلر حقنده ۵۳ نجی ماده سندن ۷۲ نجی ماده سه قدر ۲۰
 ماده دن عبارت بر فصلی احتوا ایدن قانون مدنی در . جمعیتلر قانونك ایکنجی ماده سنده
 جمعیت تشکیلی ایچون مساعده مخصوصه استحصاله لزوم اولمادیغنی و بویه جه بو حقل
 استعمالی ایچون هیچ بر حدود بولونمادیغنی سوله مکده ایه ده بوقانونك شو سر برستپوررلکی

(لیهرا لیزم) ظاهریدر، صمیمی دکلدر. زیرا دها آشاغیده جمعیت نظامنامه سنک وهیئت اداره لیسته سنک جهت ملکیه ویریه چکی و اورادن علم وخبر آلهجنی وعلم وخبر آلتما دجه اعلان ایدله مهیه چکی سولنمکده در؛ بناءً علیه مؤسسلر، جمعیتی علم وخبر آلمان اعلان ایتمه صلاحیتدار اولما دجه جمعیت تشکیلی جهت ملکیه نك آرزوسنه تابع قیلمش دیمکدر. جهت ملکیه هیئت اداره اعضاسی حقنده برطاقم تحقیقاته توسل ایتدکن وهفته لرحه وایلرحه مدت کچدکن صوکره علم وخبری اعطادن استسکاف ایده بیلمسی وارد اوله بیلیر.

فی الواقع بویه بر رده معروض اولان افراد ملت جهت ملکیه نك بوقرارینه قارشی داخلیه وکالته شکایته واستحصال حق ایده مدیکی تقدیرده شورای دولته مراجعه صلاحیتدار ایسه ده جمعیتلر قانوننک روح ومتننده جمعیت تشکیلی خصوصنده کی حقل اجرائی قوتک نظارت ومساعده سنه تابع بولوندینی وبناءً علیه جمعیت تشکیله مساعده ویرن حکومتک مساعده نی استرداد وجمعیتی منع ایده بیه چکی شکنده تیلر ایتمکده در.

قانون مدنی بام باشقه بردستور وضع ایدیور. جمعیت تشکیلی ایچون هیچ برمساعده به، هیچ برعلم وخبره لزوم کوسترمیور. مؤسسلر بر نظامنامه قلمه آلوب اونده جمعیت اوله رق تشکیل آرزوسنی اظهار ایتمکه شخصیت اکتساب ایدرلر. بویه بر جمعیت هیچ برطرفه اخبار کیفیته وهیچ بر رده کندیسنی تسجیله مجبور دکلدر. آنجق بعضاً بر جمعیت غایه سنی تأمین ایچون اقتصادی بعض ایشلره تثبث ایدرسه مثلاً موسیقی نك انتشارینه چالیشمق اوزره تأسس ایدن بر جمعیتک تشکیل ایتدیکی موسیقی هیئتتی اجرت ایله چالیشدیره رق الده ایتدیکی قازانچ ایله غایه سنی تأمین ایده جکسه بویه بر جمعیت کندیسنی تسجیل ایده جکدر. اسویچرده بوتسجیلک سجل تجاریده یا پلاسنی آمرایکن نرم قانونده بوتسجل حقنده برصراحت یوقدر. فقط بوتسجیلک مدعی عمومیلکده ویا خود مأخذی تعقیباً سجل تجاروتده یا بیلماسی نمکندر.

قانون مدنی نك وضع ایتدیکی احکام ایله جمعیتلر قانونی تعارض ایتمکده در. قانون مدنی، جهت ملکیه مراجعتی وعلم وخبر اخذینی قطعاً امر ایتیه یور، بالعکس نظامنامه نك احضار یله هیئت اداره سنک تشکیلی همان جمعیتک دوغمه سنه وشخصیت کسب ایتسه کافیدر

جمعيتك فسختی آنجق حکم محکمه ايله باييله چکني سويله ين قانون مدني نك حکمه مقابل جمعيتلر قانوني بو حق جيت ملكيه طانيقده در . اساساً قانون مدني مؤخر و او قانونه مغاير باجلله احکامك ملغا بولونديني صراحت قانونيه مقتضاسندن اولماسنه نظراً جمعيتلر قانوني غير موجود عد ايتك لازمدر . اولويتله علم و خبر اخذ ايتك مجبوري و علم و خبر آله دن جمعيتك تشکلي اعلان ايتمه مک کلفتي قانون مدني نك هم منته هم روحه تماماً مغايردر .

حالبوکه جهت ملكيه بو حقيقت قانونيه دن اوزاق قاله رق اسکيسي کي جمعيت تشکلي خصوصنده ، قانون مدني يي يوق فرض ايده رک، جمعيتلر قانوني تطبيق ايتمکده مصردر . بر مملکتده متعارض قانونلرک ياشاماسنه امکان يوقدر . وحدت قضا نه قدر لازم ايسه وحدت قانونيه ده لازمدر . اگر لسبب من الاسباب قانون مدني نك بواحکامك تطبيقه حال وزمان موافق کوروله يورسه ، بر ماده مخصوصه ايله بو خصوصک نتيقي و امر اخيره دکين قانون مدني نك جمعيتلر حقنده کي احکامك بر طرف ايدليکني و يا خود دها اوزاغه واره رق بوس بشون الفا ايدليکني نصيص ايتك ممکندر .

قالدي که قانون مدني نك جمعيتلر حقنده کي احکامي ، ولايت عامه يي حاز اولان دولتك حق مراقبه سي لايقيه تأمين ايتمکده در . قانونه وادابه مغاير جمعيتلر فسح ايديله چکي کي بو خصوصده قانون جزايه مغاير حرکتلرده تجزيه ايديلير . فقط بوق، مدعي عموميلکله و بالتبعه حق قضاي عدلي به و يرلش ايکن جمعيتلر قانوني ديدکمز کي ، جمعيتي منع ايتك - نتيجه فسح ديمکدر - حقني حکومت بخش ايتشدرد . قانوني حاکم قيلان خلق اداره سنک - فوق العاده و غير طبيعي عد ايدله ين احوالده - بو حق مراقبه يي محاکمه ترک ايتمکده بر محذور تصور ايده مه چکني قبول ايتك ضرورتي واردر . قانون مدني ، جمعيتك فسختي طلب حقني يالکمز مدعي عموميله دکل هر علاقه داره و بر مک صورتيه جمعيتلرک قانونه مغاير حرکتلريني محکمه به اخبار ايده چک وساطتي تزديد ايتشدرد . علاقه دار تعبيريني شارح لر ايجه که نيش بر معاده قوللاقمده درلر .

بو يازيلردن مقصد ، قانونلره رعایتي عمده اتخاذ ايدن جمهوريت اداره مزده ، قانون

مدنی کې اساسلی برتمل طاشنه مغایر اوله رق خصوصی بر قانونك یاشایامایه جغنی توضیح ایتك وقانونلرك ده تطبیقاسنده آهك ووحدنی تأمین ایتك لزومنی عرض ایتكدر . طوتولان یاكلش یوله اشارت ایتك عالی مقاملرمزك نظر دقتلرینی جلبه وقانون مدنی احكامنی مهمل بر اقامنه كفايت ایده جكنه قائم .

و صرت قضا :

قضایي پارچه لایه پارچه لایه تجارت او طه لرینه ده برحق ویرلدی . او طه ، كندیسی تسجیل ایتدیرمه یین تاجر ه هم جزای نقدی تقدیر ایدیور ، هم لزومنده تجارتخانه سنی قاپادیر یور . او طه نك قرارلری ده - نه ییعدر ! - قطعی اولوب زواللی تاجرك مرجع شكایتی ده یوقدر . عجباً او تاجر آغیر خسته یا تدیغندن طولایي تسجیل ایتدیره مه مش ! یا خود باشقه بر سبب مهمدن دولایي وظیفه سنی یاپامامش ایسه ! آرتق دردینی آ كلاتمه امکان یوقدر ، تجارت او طه لرینه بو حقی ویرمكه برابر حكم قطعی نك اعطاسی محكمه یه حواله ایدلسه ، و جزایه چاریدیریلان تاجر دعوت ایدیلوب مدافعه سی دیكلنسه نه ضرر اولور ! كیمك حق ابطال ایدلش اولور ! بویه بر حكم ، اساسلی تشكیلات قانونك [هیچ بر كیمسه قانوناً تابع اولدیغی محكمه دن بشقه بر محكمه یه جلب وسوق اولوناماز] ده بن احكامنه مغایر دكلی !

اخیراً بویه بر معامله یه معروض قالمش اولان بر تاجر صلح محكمه لر مزدن بریسنه مراجعتله وحدت قضایه مغایرتدن ناشی تشكیلات اساسیه یه منافی اولان بو قانونك تطبیق ایدیله مه یه جكسندن و بو قانونه استناداً ویریلن قرارك قابلیت تنفیذیه سی اوله مایه . جغندن بمخلة قرار واقعك تأخیر اجراسنی طلب ایتش و محكمه اول صورتله قرار ویرمشدر . بو حادثه یی ، وحدت قضا حقنده کی مجادله مزك بر موفیقی اولق اوزره ، بورایه قید ایدیورم .

میلاسی غادرانقو